

Publicaziuns officialas dils 30 da matg 2025

Vischnaunca Trun

Sanaziun dalla via Fabrica

Preziadas convischinas e preziai convischins

La vischnaunca lai sanar la cuvrida dalla via Fabrica naven dils parcadis dalla banca Raiffeisen entochen sur la casa nova dils fargliuns Cagienard. Las lavurs entscheivan ils 2 da zercladur e cuozzan prevedentamein tochen ils 11 da fenadur 2025. Il traffic vegn sviaus sur la via Sogn Martin.

Bien engraziament per la capientscha.

Suprastonza communal Trun

Mortori

Bühler Marie Louise, naschida ils 28 da december 1939 e morta ils 23 da matg 2025.

Controlla da habitonts Trun

Apparat d'udida

Gliendisdis, ils 2 da zercladur 2025 saveis Vus schar schubergiar e rugalar Vies apparat d'udida:

09:15 - 10:30 en Casa sogn Martin a Trun

11:00 - 11:45 en Casa sogn Giusep a Cumpadials

13:15 - 14:30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.

Casa Depuoz Trun

Di dallas portas aviartas – Nova casa da dimora cun structura dil di integrada a Sedrun

Ussa eisi aschi lunsch. Nos cussadents san bardigliar en paucs dis en lur nova casa da dimora.

Bugen envidein nus vus da vegnir a mirar la nova casa da dimora e festivar cun nus tier in sitg ed ina grillada.

Sonda, ils 7 da zercladur 2025, naven dallas 13:00 fin allas 17:00. Via Dulezi 8, 7188 Sedrun (sper la casa da scola da Sedrun)

Tag der offenen Türe – Neubau Wohnheim mit integrierter Tagesstätte in Sedrun

Nun ist es soweit. Unsere Bewohnerinnen und Bewohner ziehen in ein paar Tagen ins neue Wohnheim ein.

Wir laden gerne zur Besichtigung des neuen Wohnheims mit Festwirtschaft und Grillplausch ein.

Samstag, 07.06.2025, 13 bis 17 Uhr. Via Dulezi 8, 7188 Sedrun (neben dem Schulhaus Sedrun)

Museum Cuort Ligia Grischa

Dumengia, ils 1 da zercladur allas 14:15.

Suentermiezdi per affons

Nus purschin daniev activitads interessantas per affons! Quei fa la viseta dil museum tier in ver eveniment. Affons sut 6 onns cun accompignament dils geniturs, ils pli gronds astgan vegnir persuls.

cordialmein envida

il team dil museum